

حيات

مبارد اعماميان... دنيا د اها مور حيات قاتلم...
نچيه

اداره مركزي :
انقره ده ، معارف ايمپلكي ياننده كي دائره
استانبول بوروسي :
استانبولده ، انقره جاده سنده 87 نومروده
دائرة مخصوصه

نفسه سي هر يوده 15 غمرونده .
سنه لکي پوسته ايله 7,5 ليرا .
(اجنبي مملکتلر ايجين 7,5 دولار) .

ابونه : اعلان ايشلري ايجين استانبول بوروسنه
مراجعت ايديليز .
يازي ايشلرنك مرچي انقره مرکزيدر .

صاي : 87

انقره ، 26 تموز ، 1928

4 نجی جلد

مصاحبه :

بر « کتاب » لک قیچی

ادهم بك وقتيله ترجمه ايتديكي « اصول حقنده نطق » ی معارف وكالتنك معاونتيله ايكنجی دفعه باصديردی. انسانيتك فكرتاريخني ياقيندن تدقيق ايتهمش اولانلر « ده قارت » ك بواثرينك قيمتي آكلايامازلر، ذوقنه وارا مازلر. « اصول حقنده نطق » ، « رونه سسانس » ديديكمز دورك علم حركتنی تتويج ايدەر ، علمي جهديك هدفني صراحة كوسته رير . بو اوافق كتاب زماننك تدريساتنه ، علم حقنده كي تلقيسنه قارشى بر عصياندر . ده قارت فلهش قولله ژنده نه او قومش ايسه بونلرك هپسنيك يا سحتنده ، يافانده سنده شبهه ايتشدر . مكتبده كنديسنه اوكره تيلان معلومات كتله سي ايجنده محقق واقعه لر ، كوزل لافلر واردی . فقط مثبت علمك ومعاصر فلسفه نك بو بويوك مبشرى بونلره « حقيقي علم » نظريه باقيلماسنه مانع اولان ايكي بويوك نقيصه ني آكلا مشدی : بر كره بو معلومات فكرك سربستجه تدقيق واستدلانه دايانمايور ، ماهيتي تحليل ايديله مش بر عقیده استناد ايدیوردی .

ديكر جهندن كافي درجه ده مرتبطو منسجم دكلدی . ذهنك سربستجه تدقيقنه مستند بر علم وفلسفه يولنى آچق ايجين بوتون علملرك معاصر مدنيتنه اك اساسلى عنصرى اولان « سربست » تفكرى ، هر نوع ولايت وسلطه قبول ايتمين ذهن حريتنى اعلان لازمدی . « اصول حقنده نطق » هرشيدن اول بويله بر فكر حريتي بياننامه سيدر . فيلسوف واضح وبديهي اولمايان بو تون فكرلرده شبهه

ايدهر ك ذهنی سلطه دن قورتارمق اصولی بالذات نفسنده تطبيق ايتك ايسته دی . بو صورتله سربست تفكره مانع اولان انكللری كندی روحندن قوفاركن بشريتسه بومانلردن خلاص يولنى ده كوسته رییوردی . آنجق واضح وبديهي اولان فكرلری قبول ايله مك ، هر مشكل مسئله ني جزءلرينه آيرمق واك بسپطندن ، اك قولای آكلاشييلان قسمندن حركت ايدهر ك آديم آديم ايله رله يه ايله رله يه اك معضل فكرلره چيقيمق ، بو صورتله يالكنز سربست تدقيق واستدلاله مستند منسجم « علم » وجوده كيترمك مفكوره سي او زمان باويه را نه لك توري نك اردوسنده كوكلی عسكر اولان كنچ ده قارتی او درجه هيچانه كيترمشدى كه 1619 سنه سي كچه لر ينك برنده عمرينى يالكنز بو املك تحققة حصر ايلكه عهد ايتدی . واقعا بو غايه چوق معظمدی ، او كا آنجق بر چوق عصرلر عيني وجدی دويان علم آدملرينك مشترك مساعيلره ياقلاشيله بيليردی . فقط ده قارتك روحنى صاران بو آتش علم آدملى ايجين بر مثال اولدی . منفرد رياضی علملرك فوقنده كرك هندسى اشكاله ، كرك عددلره تطبيق اولونا ييله جك نسبتلری آراشدير مقله باشقا بر تعبيرله كميت وتابعلرك عمومى نظريه سنه يوكسه لرك هندسه تحليليه نك تملى آتمقله كو . سته رديكي طريقك ايلك ثمره سنى بالذات استحصال ايله دی ، فيزيكك مثبت بر علم جالنه كله بيلمه سي ايجين يورونه جك يولى اراشه ايتدی . اون سكيز واوندوقوزنجى عصرلرك عالملى هپ ده قارتك

اشارات ايله ديكي طريق اوزرنده يوروديلر . كيميا ، فيزيولوژى مثبت علم حالنه كلدی ، پيسيقولوژى ، سوسيولوژى عيني هدفه وارمق ايسته يورمدنى بشريت ده قارتك صراحة تحليل ايدمه ديكي سلطه لری ييقدی فرانسز فيلسوفنك آچديني « فكر حريتي » بايراغى معاصر مدنيتك مشترك مقدساتندن اولدی اوچ عصرلق تاريخى دولديران انقلابلرده هپ بو بايراغك او كده يوروديكنى كورو يوز ؛ يريوزنده نه قدار فيضلى تحول اولش ايسه هيچ شبهه سز سربستجه تدقيقك ، فكر حريتنك اثيريدر . « اصول حقنده كي نطق » ده بو حريتك استعمال طرزىنى كوستيرير .

ده قارت بو اوافق كتابك ياباجنى انقلابك نه قدار مهم اولديغنى پاك ايني بيليردى ، ياپديني ايشك غرورينى ده دويوبوردی . حتى حق شناسلغه ياقيشمياجق بر مبالغه ايله اسلافتدن هيچ برشى اوكره نمديكنى اعلان ايله مى بر سجييه ضعيفدى . شو قدار كه ياپديني انقلابك عظمتنى دوشو . نرك فيلسوفى معذور كورمه لى يز . بويوك انقلاب ياپانلر ا كثر يا كندى فكر و حر كتلرنده ماضينك هيچ برايزى اولماديغنى قناعتنى طاشيرلر . آنجق علمدر كه اونلرك فكر و حر كتلرنده مؤثر اولان عامللرى كوسته رير . بويوك انقلاب وجوده كتي ره نلرك دماغى ا كثر يا كندى تفكرلرى و حر كتلرى اوزرنده بويله بر تحليل ياقمغه مساعد دكلدر .

بو قدار مغرور ، عقیده لر ينك هپسندن شبهه ايدمه جك درجه ده نفسنه قارشى قهرمان

نقد مسئله لری :

اعاده می ؟

تثبیت می ؟

— 1 —

پاره لریك قيمتى قرار سزلقدن قورتارمق ايجون آلتون اساسنه رجوعدن بشقه چاره كورهمين دولتلر صوك زمانلرده يا اعاده قيمت Revalorisation ويا تثبیت قيمت Stabilisation اصولی انتخاب وترجيح ايتكمده درلر . اعاده قيمت ديمك پارهيه اوزرنده محرر اولان آلتون قيمت اعتباريه يي يكدن وفعلاً ويرمك ديمكدر . تثبیت قيمت ايسه پارهيك اوزرنده محرر اولان آلتون قيمت اعتباريه دن بر مقدارينى فعلاً وقانوناً آز چوق تنزيل ايتدكدن صكره قالان قيمتى آلتونله قابل مبادله برحاله كيتيرمك ديمكدر . المزده كي تورك پاره سنك قيمتى اعاده ايدلى فرض ايدلم : بركاغد ليرانك مقابلي اولان يوز غروشلق بر آلتونى تماماً اله كچيريرز . تورك پاره سنك قيمتى تثبیت ايدلى فرض ايدلم : بو تقدیرده المزه كچهك يوز آلتون غروش دكل ، بالفرض 12 آلتون غروشدر . بقیه 88 آلتون غروشى غائب ايتدك ديمكدر . اعاده اولسون ، تثبیتده اولسون المزه كچهك آلتوندن بحث ایدیورز . بوسوزلری مطلق دكل ، براز مقید بر معناده تلقی ايتك لازم كلیر . هرايكي اصولدهده پارهيك تقرر ایدن قيمت ثابتسى قانوناً آلتونله قابل مبادله برحاله كلش ديمك اولقله برابر بو مبادله داخل مملكتده آلتونك مطلقاً سربستهجه تداولی معناسنى تضمن ايتز ، يعنى دولته وياخود رسى بانقه سئنه ابراز ايدیلن كاغذلره مقابل مطلقاً آلتون ویريلهك ديمك دكلدر . اعاده ويا تثبیتدن صكرهده اولسه كليت قریب اكثر مملكتلرده آلتونك تداولی ينه سربست دكلدر . يالكز رسى بانقه لرك اوراق نقدیه حامللرینه ويرمكده اولدقلری چكار ويا قاببولر آلتون قيمتدهدر . بالفرض آمريقا اوزرينه آلاجنی بر چكى حاملى ، ايسترسنه اوراده آلتونه تبديل ايدميليير .

اوراق نقدیه تداوله چيقاركن دولت بوقائملرك ، اوزرلرنده محرر اولان قيمت اعتباريه لری حسابيله اوزاق ياقين بر آتیده مطلقاً آلتونله مبادله ايديله جكنى صراحة وياخود ضمناً تعهد ايتميشدى . كورولوبوركه اعاده اصولنده دولت بو تعهدينى ايفا ایدیور . حامللردن اللرنده كي كاغذ پاره يي فعلاً وياخود حكماً آلتونله تبديل ايدميليورلر . حالبوكه تثبیتده اوراق نقدیه حامللری اللرنده كي پارانك تمام قيمت اعتباريه سنى آلامبور ، بوقيمت اعتباريه دن آز وياچوق بر مقدارينك آلتون بدلنى غائب ایدیورلر . بوكا بناء تثبیت قيمت اصولنه تنزيل قيمت Dévaluation ou Dévalorisation ديمك دهها موافق دوشر . نته كم تثبیته عليه دار اولان اعاده قيمت طرف دارلری تثبیت اصولی اكثر يا

ایدیور . وضعيتك عرض ايتديكي بومنظره مملكتمزده كيتدكجه دهها زياده چتینلشن استحصاله مقابل تمتع و تراكم نسبتلرينك كيتدكجه دهها زياده آزماسيدر . بوكونكي شكليله تورك مستحصلى تراكم ايتديريكي هر سانتيمة مقابل خارجه بك چوق سانتيملر تأديه ايتك ضرورتنده قاليور . خلاصه ؛ نورمال ايشلرده يتكك آز اولماسى نهايت ، برطرفدن سيوكولاسيون تايللرينك دوغماسنه ، ديكر طرفدن فائض نسبتلرينك فاحش برسويه آلارق تورك كوى ايشلرنده ماليت فيأتلرينك متادياً آرماسنه ، بصورتلدهده اخراجات امتهه مركز خارجه پياسهلرده رقابت قابليتلى متاديا غيب ايتهلرينه سبب اولويور .

بووضعيت قارشيسنده اخراجات ايشلرمن ايجين ياقين زمانلرده برطاقم دارقلره ، صيقتلى لره ، حتى بحرالره احتمال ويرمك فضله كهانت صاييلاماز . ملي اقتصادياغزى كهرن بوتون بومنى تمايلات

نميرم

كوبك اك يوكسك بر پرى واركه
هركون يانان باشيم بورده سرينلار .
آنكى كوپوكدن بريشيل ياركه
اوستنده انكينك روزكارى ايتكلر .

مغرور چيچكلرى قيزيل ، مور ، صارى ...
كووه رجين دولودر قاياقلرى .
ده كيزه اينديرر بووحشى يارى
قووقولو دفنه لر ، يشيل زيتينلر ...

پرير چنلرى زمرد اولورده
ايشيلدار كوشدن سريپلن نورده
روحم ، چيرينماندن ، هر صباح بورده
بلبل ده كيزله باش باشه ديكلر ...

مدانيه : عمر برالدين

ايسه ، اصل منبعى تورك كاغد پاراسى نك ثابت بر قيمتى تمثيل ايتيوب اجتماعى — نوميال فيأتلره تداول ايتميسندن ، توركيانك كندينه خاص زراعى بنه سندن ، تورك خارجه تجارت معامله لرده اجنبى نقودينك هكهمونيسندن آليور .

شأيتك بوسيرينه قارشى تورك اقتصادياتك اوږژه كتيّف مدافعه تدليرى باشليجه شواستقامتلرده طويلانابيلير .

ياقین تدبیرلر :

- 1 — دولت بانقاسى آحادى .
- 2 — تورك پاراسى نك فيأتى تثبیت .
- 3 — تورك پاراسى نك قيمتى تثبیت .

اوزاق تدبیرلر :

- 1 — مملكتمزده امتهه نك وپارانك تداول سرعتى آرتدیرمق .
- 2 — توركيانك امكان نسبتنده صنايعيله شديريله سى وزراعى اخراجاتك تقويه سى .
- بوتدبیرلردن اك شايان دقت اولانلرني قيصاجه تحليل ايتك ايشنى صوك بر مقاله يه بيراقيورز .

شوكت شيا

قادر دوام ايدر . بودوره تورك پاراسى ايجين اك غير مساعد دوره در .

3 — ياز دوره سى : نيساندن تموز اورتالرينه قادر سورهر . بودهدهده تورك پاراسى نك فيأتى سنه نك وسطى قورسنه ياقلاشير . ادخالات و اخراجات فعاليتلى نسبى بر توازن عرض ايدر .

شمدى بوسروداغزله برآز اول ويرديكمز پارا تموجاتى نسبتلرني قارشيلاشدير ساق شونتيجه يي آليرز :
1 — تورك مستحصلى ادخالات موسمنده تورك پاراسى نك اوجوزلاماسى يوزندن ادخال ايتديكي اجنبى معمولانده و مصنوعاتى دهها بهالى اولارق صاتين آلدینی حالده ،

2 — اخراجات موسمنده كندى استحصالاتى — تورك پاراسى نك بهاليلانديرماسى يوزندن — خارجه پياسه يه دهها اوجوز اولارق صاتار .

مثلا صوك مهار دوره سنده [يعنى اخراجات موسمنده] برانكلير ليراسى نك فيأتى (100 غروش) فرض ايدمدهده اونك فيأتى قيشين [يعنى ادخالات موسمنده] (110 غروش ، يازين ايسه (103) غروشدر .

بوده شو ديمكدركه :

تورك مستحصلى اخراج ايتديكي برانكلير ليرالق امتهه يه مقابل 100 غروش آلدینی حالده ينه تورك مستحصلى ادخال ايتديكي برانكلير ليرالق امتهه يه مقابل 110 غروش تأديه ايدمدهده بصورتلدهده اونك فضله مساعيسنه مقابل اخراجات موسمنده مملكته كهرن فضله قيمتلر ، ادخالات موسمنده پارانك قيمتسز لشديريله سى اويونلرله اجنبى قابيوسنه فرق فيأت شكلنده يكي دن خارجه آقار . بوكيفيتك ملي اقتصادياغزه ايقاع ايتديكي تأثيرلر ايسه يكنظرده تصور ايديلهده يهك قادر مهمدر : تورك پاراسى نك پهرييوديك فيأت تموجاتنك نتيجه لری :

1 — مملكتمزده تجارت خارجه نك وعموميتله امتهه مبادله سى ايشلرينك متادياً آرماسنه ، كنيشله مه سنه رغماً داخله تجارى وصناعى سرمايه نك تراكمى درجه سى بوعومى كشايشله نسبت ايديلهده يهك قادر آز وضعيفدر .

2 — عمومى معاملاتك چوغالاسنه رغماً تمتع و تراكم نسبتلرنده موجود اولان بوآزلى ، خارجه تجارتله علاقه دار فيرمالرى كيتدكجه دهها زياده تضيق ايتكمده ، بونلر يامعامله لرينى تصفيه ايتك ، يامحصولات زراعيه فيأتلرينى ، مانپيولاسيون اجرتلرينى ، تهقنيك مصارفاتى صوك حده قادر قيصمق ؛ ياخودده حكومت معاونتنه التجا ايتك ضرورتلى قارشيسنده قالماقده درلر .

3 — نته كم ؛ استحصالات يگونلرينك وعمومى معاملاتك انكشافنه رغماً زراعى امتهه [توتون ، پاموق ، ميوه لر ... الخ] مقابلنده كوى مستحصلنه تأديه ايديلن فيأتلر (يادوغرودن دوغرويه ، ياخود اجنبى نقودينه نسبت ايدلدكلرى زمان) سنه دن سنه يه دوشمكده درلر .

4 — اخراجات زراعيه ماده لرينك مانپيولاسيون ايشلرنده ايش اجرتلى كذا قرونك برتنزل عرض

الزاماً تنزیل قیمت دیه یاد استدکاری کی تثبیت طرفدارلری ده اصولک اضمار ابتدیی بوضعف نقطه بی نظرلرده آرزوق ستر و تخفیف ایچون تثبیت تعبیری استعمالده اصرار ایدرلر . موضوع بحث اولان ضعیف نقطه بی بعضاً تطبیقات ساحه سنده دولترکده بسله دکاری کورولور . تثبیت قیمت معامله سنه بر شکل ویرکن اتخاذاستدکاری تدابیر سائره میاننده متداول پاره به هیچ دوقونمازلر . او ، ینه اسکسی کی اوزرنده محرر اولان قیمت اعتباریه ایله تداوله دوام ایدر . یالکز بوکاغد پاره نك تمیل ابتدیی واحد نقدینك (مثلاً فرانك ، لیره تك ، بزده یوز غروشلق بر تورك لیراسنك) احتوا ابتدیی آلتون مقداری قانواً تنزیل ایدرلر و بویکی معدنی واحد نقدی بی ماده تمیل ایدمك آلتون ضربیاتی ده بر مدت اونوتورلر . خلق اوزمانه قدر قیمتی غائب ایتش پاره ایله ذاتاً موانست پیدا ایتشدی ، تثبیت معامله سندن صکره ایسه اورته ده دیکشمش برشی مشاهده ایتز . ده کی بن برشی وارسه اوده اوزمانه قدر قرار سزلفدن قورتولامامش اولان پاره نك قیمتده کوردیکی قطعی صلاح وثبات در . بونی ایسه بالطبع منت و ممنونیتله تالق بالقبول ایدر .

* *

پاره سنك قیمتی خساره اوغرامش بر دولت اعاده اصولی می تطبیق ایتلی ، یوقسه تثبیت قیمت اصولی می ترجیح ایلیدر ؟ اول امرده شوراسنی قید ایدمك که آلمانیا ، اوستریا ، مجارستان ... کی پاره لیرنك قیمتی صفر ایله تماس ایدمك درجه لره یافلاشمش مملکتلر ایچون اعاده اصولی تطبیقه اساساً امکان مادی متصور اولمادی کی آمریکا وانکلتره کی پاره لیرنك قیمتی قیمت اعتباریه لرندن نسبة اوقدر چوق تباعد ایتشمش دولترده تثبیت نامی آلتنده تنزیل قیمت اصولنك تطبیقی شرف مالی ، و شهرت اعتباریه لرله متناسب کوره مزلدی . بویکی زمره آره سنده اخذ موقع ایدن دولترده درکه اعاده می تثبیت می مسئله سی موضوع بحث اولمش و هنوز پاره سنی اصلاح ایتن مملکتلرده بوکا عائد مناقشه بردوام بولونمشدر . اولاً اعاده قیمت طرفدارلری دیکلیه لم . اعاده قیمت طرفدارلری تثبیت نامی آلتنده اوراق نقدیه و یاخود اسهام و تحویلات حامللرینه عائد حقوقك ضیاعه اوغرا تیلیمنی بر درلو قبول ایدمك مزلر .

برعائله رئیس فرض ایدیکز . قبل الحرب ایکی بیک آلتون لیرالق تصرفاتی وارمش . بوتصرفاتی یا بر باقیه یاتیرمش و یاخود بر طاقم اسهام و تحویلات آلمش . بالفرض یوزده بشدن بوتصرفاتنك کتیردیکی سنوی یوز آلتون لیرایی کندینه یا مدار معیشت و یاخود متمم معیشت اتخاذا ایلش ، کونك برنده هر هانکی برسبله کاغد پاره مسئله سی اورته به چیقیمش . بوآدامک ایرادی آلتون ایکن کاغده منقلب اولمش . کاغذکده قیمتی اسکسینه نسبتله 70% ، 80 ، 90 تنزل ایتش . حریدن مقدم سنوی یوز ایرادن شهری سکز کسور لیرا متواضع برعائله بی کچیند بره جک مهم بر ایراد دیمکدی . حالبوکه کاغد پاره ایله بوکون سکز ، طفوز ، اون لیرا نه دیمکدر ؟ البته حکمی

اولیان برشی دیمکدر . دیمك اولوبورکه بو وامثالی آداملرک ، اوراق نقدیه و اسهام و تحویلات حامللرینك حقوقلری بوکاغد پاره مسئله سی یوزندن آووجلری ایچنده اریعمن کیتمشدر . ایتسه اعاده قیمت طرفدارلری بونقطه اوزرنده کمال اهمیتله اصرار ایدرک دیورلرکه :

هرشیدن اول حق و اخلاق ، اعاده دن بشقه بر اصولک قبول و اتخاذا بی منع ایدر . کاغد پاره بی تداوله چیقاریرکن دولت بو قائمه لرك بدلنی بوکون آلتون اوله رق اعاده ایدمك جکته دائر سوز ویرمشدی . یوزی قیزارمادن بوسوزندن ناصیل نکول ایدمک بیلیر ؟ کاغد پاره تداوله چیقمازدن مقدم مختلف اسهام و تحویلاته آلتون اوله رق پاره یاتیرمش و یاخود حرب اثناسنده - کنددی منفعتیه برابر نجیب بر حس وطن پرورانه به ده تبعاً - مختلف استقراضانه اشتراك ایتش کسه لرك حقوقی دولت بوکون حمایه ایله مکلف ایکن بونی یا پیهرق تثبیت طریقیله اونلرک حقوقی ضیاعه اوغرا تیلیمنی اخلاقده ، حقوقده اک بسیط معناسنده صویفونجیقله توصیف ایدر . اورته ده میلونلرله ، میلارلرله تعداد ایدیلن سرمایه لره علاقه دار اصحاب مطلوبه ، بونلرک آره سنده کلیتله موجود مأمور ، متقاعد ، ایتام ، ارامل ، عمله کی متواضع ، فقیر انسانلره یازیق و کناه دکلیدر ؟

دیگر طرفدن اعتبار مالی دینلن مفهومده اعاده دن بشقه بر اصولک اتخاذا و تطبیقی نفی ایدر . دولنك پاره قیمتی تنزیلاته اوغرا تیلیم سوریتیه بر طاقم اصحاب حقوقی متضرر ایتشی ، اعتبار مالی بی متأثر ایلر . دولنك ایلریده استقراض طریقیله پاره بولماسنی عديم الامکان قیلیمسه ده درجه درجه مشکلا نه اوغرا تیلیم . افلاسنی اعلان ایتش بر شخصه ، بر شخصیته اوراق بویوک سرمایه صاحبلری بردها قولای قولای پاره ویریرلری ؟ و برسه لرده اعتباری یرنده بر دولته کوستردکاری موافق و مساعد هرائطی اومفلس دولته کوسترلری ؟ اعتباری شکسته بر دولنك معروض قالاچنی چشید چشید مشکلاقی اونوتوبور میسکز ؟

اعاده طرفدارلرینك پره نسبی نقطه نظرندن فکرلری بودر . فکرلری ترویج ایدیلوبده اعاده اصولی قبول اولوندینی تقدیرده بودجه مسئله سی نه اولاجق ؟ اعاده طرفدارلرینه توجیه ایدیلن بوسؤال اعاده اصولنك قبول و تطبیقنه امکان مادی اولوب اولمادی مسئله سی اورته به آتقی دیمکدرکه بومسئله فی الحقیقه هر مملکت ایچون آرزوق وارددر . پاره به اسکی آلتون قیمتی ویرمك دیمك ، عین زمانده بودجه نك مصارف قسمی ، ده دوغروسی دیون عمومی مرتباتی فصلنی ، اعاده ایدیلن فرق قیمتک اهمیت نسبتنده قارایق دیمکدر . ایضاح ایدم : قیمتندن یوزده آلتش ، یتش ، سکسان ... الخ ضایعاته اوغرامش بر پاره نك یکیدن اسکی قیمتی بولمسی دیمك قوه اشتراکیه سنك اولسبتده تزیاید دیمکدر . پاره ده قوه اشتراکیه تزیاید ایدنجه مملکتده موجود مواد و خدماتک فیأثرلری ده آشای یوقاری او نسبتده بالطبع تنزل ایدمك جکدر . بالفرض برأوک

کیراسی 400 لیرا ایکن 80 لیرایه ، بر مأمورک معاشی 100 لیرا ایکن 20 لیرایه ، بوغداک اوقه سی 20 غروش ایکن 4 غروشه اینه جکدر . بالنتیجه بومواد و خدمات اوزرینه مطروح ویرکولرده او نسبتده تنزل ایدرک بودجه نك وارداتی وقتیه 50 میلون لیرا اوزرنده توازن ایدرکن بودغه اعاده قیمت اصولنك تطبیقی اوزرینه 10 میلون لیرا اطرافنده دوران ایلیمه جکدر . شو تقدیرده دیون عمومی مرتباتی نقطه نظرندن بودجه نك ایرادیه مصرفی نه شکل آلاچق ؟ دولترک دیون عمومی لری قبل الحرب نسبتله بعد الحرب مدعش تزیایدلر کوستر . مشدر . مثلاً فرانسه نك حریدن مقدم دیون عمومی سی 34 میلار فرانک ایکن ایوم بودیون او چ درت یوز میلار تخمین ایدیلکده در . هیچ شبهه سز فرانسه حری متعاقب عقدایتدیکی بوتون دیونتی کاغد پاره اوزرندن یوکله نمشددر . فقط اعاده قیمت اصولنك تطبیقی اوزرینه 3-4 یوزمیلار فرانک کاملاً آلتونه انقلاب ایدنجه بودیونك فائض و محایه لری کی مرتباتی ده بالطبع آلتونه منقلب اولاجقدر . اعاده یا می ایستین بر دولت بومرتباتک بار تضییق آلتنده بودجه سنك ییقیلوب کیتدیکنه عجا شاهد اولیمه جق میدر ؟ بوکا جواباً اعاده قیمت طرفدارلری ده دیورلرکه :

— پاره نك قوه اشتراکیه سی تزیاید ایدنجه بودجه نك مصارف قسمه عائد ارقامده طبیعتیه تنزله اوغرایه جقدر . اعاده دن مقدم دولت اردوسنی بالفرض 20 میلون لیرا ایله بسلرکن اعاده دن صکره بش میلون لیرا ایله اداره ایتک امکانی حاصل اولاجقدر . دیگر طرفدن حرب اثناسنده وقوعه کلن سرمایه وسائر ضایعاتی کوندن کونه تلافی ایدلمکده ، منابع ایراد کون کچدیکه وسعت وانکشاف کوستریمکده ، دولتده دهها فضله واردات تأمین ایتکده در . دهها صکره دیون عمومی مرتباتی ایچون دولت قیصه وعده لی دیونی اوزون وعده لی دیونه قلب ایتک ، تحویل دیون صورتیه فائض مقدارلری تنزیل ایلک صورتیه بومسئله بی ده حل ایتک امکان بولاجقدر ... الخ . هیچ شبهه سزکه بو بودجه مسئله سی اطرافنده دوران ایدن مناقشات ، ارقام و تقرعات اوزرنده مملکتدن مملکتده دیکشیر . فقط اساسلر بونلردر . تثبیت طرفدارلرینك اعتراضات و مناقشاتی ده کله جک مقاله ده ایضاح ایدرز .

نامی زکی

